



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

8 c Cyriacus vnd andere Märterer.

**urn:nbn:de:hbz:466:1-41449**

Augustus

vj. Idus Augusti.

Der VIII. Tag im Augustmon.

W Rom ist heut der geburtstag des heyligen Diacons Eyraci / vnd der H. Marterer Largi vnd Smaragdi / sampt anderen zwainzig oder dreißig Mitgesellen / so zur zeit Kayfers Diocletiani gemartert seind worden / vonn wellichen am 16. tag Merckens weiter.

Item zu Wien in Frankreich / des H. Priefters vnd Beichtigers Seueri / auß India geboren / hat vonn wege der Predig des Euangeliums / ein arbeitssame Raif auff sich genommen / ist zu gemelter Statt kommen / vnd Bischoff daselbst worden / hat ein grosse menge Heyden mit dem wort vnd wunderzeichen zu Christo bekört / vnd ist daselbst im feid verschiden / vnd in S. Stephans Kirchen begraben worden.

Item in Bingerland die Ankunfft des H. Bluts vnser H. Eren Jesu Christi.

Item des H. Marterers Justini / dessen Leib zu Paris rhuet inn der grossen Kirchen Marie der seligen Junckfrawen.

Item zu Antiochia die erhebung des H. Bischoffs vnd martereris Quirici / von Jerusalem gen Ancona geschehen.

Item der H. Junckfrawen Agape.

Item selige gedächtnus des Beichtigers Hilgeri / Prior des Predigerordens / der eines Grafen Sohn war.

Item das Fess der 15. Nothelffer / so vonn ellichen gehalten wirdt / deren Namen seind : die Glor  
wie

wirdige Gottes Gebärerin/ vñ allweg Jungfraw Maria/ Blasius/ Dionysius/ Erasmus/ Panthaleon/ Bletius/ Georgius/ Cyriacus/ Christophorus/ Achatius/ Eustachius/ Egidius/ Barbara/ Katharina vnd Margretha/ als/ welche sonderer gnad/ durch jr fürbittung bey Gott dem Allmechtigen erlangen mögen/ wann sie Christlich gehet vnd angeruffen werden.

Item zu Burdegalis die begräbnus Mommuralli/ Abts des Floracenser Ordens.

d v. Idus Augusti.

### Der IX. Tag im Augustmonat.

**G**ut ist die Vigili vnd gebotten Fastabend / des H. vnd grossen marterers Laurentij.

Item zu Colonia in Tuscia/ der Geburtstag der H. Secundiani des Rathsherrn / Marcelliani des Redners/ vnd Veriani des Malers/ welche alle zur zeit des Tyrantischen Kayfers Decis/ vnder dem Gewalthaber Promotio erstlich mit knüelen geschlagen / darnach an ein Ram auffgehengt / mit hacken gerissen / an ihre seipen mit fewr gebrennt/ vnd endlich enthaupt worden. Darbey straffte Gott die Peiniger dermassen/ daß sie all vom Teufel besessen worden / außgenommen einer/ der gehtling starb. Als fre H. leiber nach freer enthauptung in das Meer geworffen seind / kamen sie auß Gottes schickung wider an das Gestad.

Item zu Rom des H. Kriegsmanns Romani/ welcher in S. Laurentien marter bekört ward / vñnd da er sahe einen gar hüpschen Jüngling Sanct Laurentien mit einem Luch die Wunden trücknen / begerete er von

Anno Dñi  
253.